

քում: Անդրադառնալով համաժողովի՝ «Տուժողներ՝ կարգավիճակը, իրավունքները և օժանդակությունը» թեմային՝ Նորին Սրբությունը մասնավորաբար ասաց. «*Այսօր տուժածների իրավունքների և օգնության խնդիրը որպես մարդկությանը հուզող հրատապ հարց նաև դարձել է ձեր քննարկումների նյութ, սակայն այդ խնդիրը ուղեկցել է Եկեղեցուն հիմնադրման առաջին իսկ օրից, առաջին քրիստոնեական համայնքների ձևավորման շրջանից: Միշտ եկեղեցականն առնչվել է այդ խնդիրներին և փորձել իր օգտակարությունը, գորակցությունը բերել նման իրավիճակներում գտնվող մարդկանց*»: Նորին Սրբությունը նշեց, որ ներկայիս աշխարհի բարդ իրավիճակներում և զարգացումներում այդ երևույթներն ավելի մտահոգիչ են իրենց ընդգրկումով և հաճախակի դրսևորմամբ, և այսօր Եկեղեցին իր առաքելության հիմնական ոլորտներից մեկն է դիտում տուժողներին օգտակար լինելը: Այդ համատեքստի մեջ Վեհափառն առավել կարևորեց երևույթի հոգեբարոյական հետևանքների վերացման անհրաժեշտությունը, ինչում պետք է Եկեղեցին օգտակարություն ցուցաբերի:

ՌՈՒՄԻՆԻԱՅԻ ԴԵՄՊԱՆԸ ՀՐԱԺԵՇՏ ՏՎԵՑ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ

Հոկտեմբերի 16-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Հայաստանում դիվանագիտական իր առաքելությունն ավարտած Ռումինիայի Հանրապետության դեսպան Նիկոլաե Իորդակեին:

Հրաժեշտ տալով Ամենայն Հայոց Հայրապետին՝ պրն Իորդակեն շնորհակալություն հայտնեց Նորին Սրբությանը՝ իր և իր երկրի նկատմամբ ցուցաբերած ջերմ վերաբերմունքի համար: Դեսպանը վստահություն հայտնեց, որ Հայաստան-Ռումինիա հարաբերություններն այսուհետև ևս կզարգանան ինչպես պետական, այնպես էլ միջեկեղեցական մակարդակներով:

«*Մեր բարեկամությունը դարերով է փորձված: Եվ վստահ ենք, որ այն հետագայում առավել կսերտանա ու կխորանա*», - իր հերթին ասաց Վեհափառ Հայրապետը: Նորին Սրբությունը գոհունակությամբ նշեց, որ ամեն տարի Մայր Աթոռի երիտասարդ միաբաններ մեկնում են Ռումինիա՝ բարձրագույն ուսումը շարունակելու նպատակով:

Հանդիպման ավարտին Ամենայն Հայոց Հայրապետը նորանոր հաջողություններ մաղթեց դեսպանին հետագա առաքելության ընթացքում:

ՖՐԱՆՍԻԱՅԻ ՀԱՆՐԱՊԵՏՈՒԹՅԱՆ ԴԵՄՊԱՆԸ ՀՐԱԺԵՇՏ ՏՎԵՑ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ

Հոկտեմբերի 17-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Հայաստանում դիվանագիտական իր առաքելությունն ավարտած Ֆրանսիայի Հանրապետության դեսպան Անրի Կյունիին:

«*Մենք անչափ ուրախ ենք, որ այսքան տարիներ առիթ ունեցանք վայելելու Ձեր*

ներկայությունը Հայաստանում և մտերմությունը Մայր Աթոռ Սուրբ Էջմիածնին, տեսել ենք Ձեր հոգում առկա սերը Հայաստանի և հայ ժողովրդի նկատմամբ», - ասաց Ամենայն Հայոց Հայրապետը: Ի դեմս դեսպանի, փոխանցելով Ֆրանսիայի իշխանություններին ու ժողովրդին հայ ժողովրդի խորը երախտագիտությունը, Նորին Սրբությունը գոհունակությամբ անդրադարձավ այն աջակցությանն ու գորակցությանը, որ Ֆրանսիան մշտապես ցուցաբերել է հայ ժողովրդին տարբեր ոլորտներում:

Իր տպավորությունները Հայաստանում ծառայության շրջանի մասին ներկայացրեց նաև պրն Կյունին: «Հայաստանը պատմական վկայությունների երկիր է: ... Այն անսպառ հարստությունների տեր երկիր է», - իր խոսքում նշեց դեսպանը:

Հանդիպման ավարտին Ամենայն Հայոց Կաթողիկոսը, շնորհակալություն հայտնելով դեսպանին մատուցած ծառայությունների համար, նրան հաջողություն մաղթեց իր հետագա աշխատանքում:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՀԱՅԱՍՏԱՆ-ՌՈՒՍԱՍՏԱՆ ՄԻՋԽՈՐՀՐԴԱՐԱՆԱԿԱՆ ՀԱՄԱԳՈՐԾԱԿՑՈՒԹՅԱՆ ՀԱՆՁՆԱԺՈՂՈՎԻ ԱՆԴԱՄՆԵՐԻՆ

Հոկտեմբերի 17-ին Մայր Աթոռ Ս. Էջմիածնում Ն.Ս.Օ.Տ.Տ. Գաբեզին Բ Ծայրագույն Պատրիարք և Ամենայն Հայոց Կաթողիկոսն ընդունեց Հայաստան-Ռուսաստան միջխորհրդարանական համագործակցության հանձնաժողովի պատվիրակությանը՝ գլխավորությամբ հանձնաժողովի համանախագահ ՌԴ Դաշնային Խորհրդի անդամ Նիկոլայ Ռիժկովի:

«Ուրախակի է տեսնել, որ հարաբերությունները երկու երկրների միջև շարունակում են զարգանալ, և աշխատանք է տարվում դարերով ձևավորված այդ բարի ավանդույթները պահպանելու ու զորացնելու համար», - ասաց Նորին Սրբությունը՝ ողջունելով հյուրերի այցը Հայաստան և Մայր Աթոռ Սուրբ Էջմիածին: Շնորհակալություն հայտնելով ընդունելության համար՝ տիար Ռիժկովը Նորին Սրբությանը ներկայացրեց Հայաստան-Ռուսաստան միջխորհրդարանական համագործակցության հանձնաժողովի աշխատանքները և կարևորեց Ռուսաստան-Հայաստան համագործակցության հարաբերությունների հետագա սերտացումն ու ամրապնդումը:

Հանդիպման ընթացքում Վեհափառ Հայրապետը մտահոգություն հայտնեց նաև Ռուսաստանում հայերի նկատմամբ տեղ գտած որոշ երևույթների առնչությամբ: *«Մենք վստահ ենք, որ դուք, ճանաչելով մեր ժողովրդին, նրա ոգին, հաղորդ լինելով դեպի Ռուսաստանը և ռուս ժողովուրդը մեր ժողովրդի բարի զգացումներին, պիտի գործադրեք ձեր ջանքերը, որպեսզի այս մտահոգությունները վերանան մեր ժողովրդի հոգուց»*, - նշեց Հայոց Հայրապետը՝ գնահատելով նաև տիար Ռիժկովի ջանքերն այս հարցում:

Մասնավորաբար անդրադառնալով հայերի նկատմամբ Ռուսաստանում վերջին շրջանին դրսևորվող երևույթներին՝ նա նշեց. «Մենք արմենոֆոբիա չունենք և չենք էլ կարող ունենալ. հայ համայնքը շատ ամուր է ինտեգրված մեր կյանքին: Հայկական Մփյուռքը տարածված է երկրով մեկ, և մենք միասին, կողք կողքի ենք ապրում», - ասաց Ն. Ռիժկովը՝ վստահեցնելով, որ ամեն ինչ պիտի անեն, որ երբեք այդ երևույթ-